

Khristo Nipu-Kulaliu



Akumzapu Kuchouqo
Kiphi Kichekutsu

23



Baibel lono pi akeuno, tile Aphimpi lakhi momu akukuhou lakhi ani, eno akukuhou tipau pesu Ampeu Jisu Khristo no Pa wu timiqo, Pa kukuhou ipi ku; eno tipau pesu Khristo nipu ipi. Kutomono pikeuno tiye shimlae, kughengu tile panongu kutoshi Khristomi kukuhou ipi qhethonhe puthu puani, eno panongu kumtsu Alhou kukuhou ke ipi pukha achenike ipi acheni. Iye, tishie. Ikemu tile panongu aqhano Baibel pekibide (interpretation) akupulu kukhuayeh eno akumla akughuthaqa lo kutuqu eno kututakeu ani. Iye akukuhou tipaqa lo amikucho lono kuchou phuju chekemi aniputsa, ikemu panonguye aqoaho kututa lo ani. Jisu shikimithi, ishi ninguno kubangu akeu hipaulo Pano Pa kukuhou mutsumishei kimichiphetsuke ghenguno. Pano Pa kukuhou ghili mutsumishei kimichitsu akeu ye **Piyekusu 12 eno 14** lono kishekulu hepho piyesutsu ani. Ashekha ghuloki lo akumzapu hipaqa jupe akichiqhivenani.

Hi ithilo: Nono kuchou kiphiqo lo ilomphi zuuno atighishi **Piyekusu 12:1-17** lo pihju paghilo.

1

Jisu ye kiutoikeu kichekutsu (symbol) pesu Pa kukuhou kiqitsukea?

“Ino Zion nga pesu kimiyekeu eno mthsaiyu keu totimi lakhi kimighitsu ani” (**Jeremiya 6:2**). “Ningu mulo kiqishi eno alokivishi ajukuvu pesu Pa tsuni, kughengu Bheriti kulakupu tsala hu ighivea, eno Pa nipu no li kutoshi ananu pepuluvea. Li pelo akumthsa phimini muduniyikeu eno yevuqaikeu pepulu penike pulovetsua, kughengu akumthsa phimini kiqiye akimithemiqo mikucho kumla kiqike” (**Piyekusu 19:7, 8**).

Khokichile: Ninguno akiphi kichekutsu 22 lo philukeuno Jisu no Pa kukuhou pesu (Zion nga) tsughukuikeu kiqitsu eno kichileu momu alaizuvekeu totimi lakhi pesu tuqhalimi ipi kimighitsu keu ghili philuvea (**2 Korinthiami 11:2; Efesiami 5:22, 23; eno Isaya 51:16** lo pijulo)



2

Piyekusu 12:1 lo Jisu no Pa kukuhou pesu totimi lakhino khetsunhe w eno li pukhuno aqhi shou nepe, akutsukuqho lakhi lo ayepu 12 pu akeu kimighitsu, tipau kiqiye kiukea?

Khokichile: Khetsunhe kiqi ye Jisu, Pa tsakiviu, eno Pa mikucho kiqike. Khetsunhe lakhi ye "Ampeu Alhou kiqike" (**Leshele 84:11; Malaki 4:2** loghiu julo) Jisu sumokeloye xachilekulu kuha (**Apostolmi 4:12**). Thime kutau kumtsu nguno alau Pa nhekithe (presence) eno Pa jukuvu no chhitoi apenishi. Li pukhuno aqhi shou nepe akeu kiqiye, wovekeu lo puloshoqhi aqau lo aghakishi kumlla gho (sacrificial system) kiqitsu ani. Aqhi no kiutoi khetsunhe kuvu yebidetsukeno titoi aghakishi kumlla gho tsuchekeu huno ghulokutau Messiah ighinani ipikeu kichepuwotsu cheke (**Ibrimi 10:1**). Li kutsukuqho lo ayepu 12 pu akeu kiqiye Apostles mi 12 qo no Puloshoqhi Akitheu Kukuhou puthutsukeu kiqike.

3

Tipau shelo, Piyekusu 12:1, 2, 5 lo tungkuputsa lo pi akeuno li ye mishi a, Khiu ghulo lakhi ye ayikusu peno shiyehqo shou ayehepe nani eno athiuye kungugha lo Alhou kuka lakhu lo sasu ikuvenikeu hu pununike kutovekeu anga tipau ye khiukea?

Khokichile: Anga tipau ye Jisu ke. Ghulo lakhi loye Pano ayikusu peno shiyehqo shou ayehepe nani (**Piyekusu 19:13-15; Leshele 2:7-9; Johan 1:1-3, 14**). Jisu, Khiu ningu xine ghengulono pesu yedave, ikemu Paye xuchileluve (**Apostolmi 1:9-11**) Pano xuchileluvekeu kuka huno ningu kuxu lo Pa w timiqo lau aghokutsu lakhike (**Filipiami 3:10**)



4

Piekusu 12:3, 4 lo tsupuakeuno, huchuikeu dragon kije lakhi eno ighono ayikusa huno anga kipitimi punuqhi kemtsa kutsavenike pukapu tsaju. (Nono akiphi kichekutsu 20 lo philuvekeu kumsulu aghinani) Dragon tipau ye khiukea?

Khokichile: Dragon ipi akeu ye Satan, khiu kungugha lono haphevekeu huke (**Piyekusu 12:7-9**).

Pano Alhou ghili kumthami pagan Rommi kuka vechewono Jisu punuqhi kemtsa kutsavenike ghenguno pukaputsa juke. Akukau Herod, khiu pagan Rommi kuka qholo akukau lakhi shi akelono Bethlehem chhexu lo anga kipitimi ampe kini qhou ye kughape ghiqhvetsu, tishikeu lono Jisu kutsavenikeu shijuke (**Mathi 2:16**).



5

Dragon kutsu tsuni eno tipaqo shou akibo chighi kiquye kiu, eno pa shomhi no kungugha lo ayepu saje akuthuu pa gholono ayeghi lo hapiqive ipikeuye kiu kea?

Khokichile: Akutsu tsuni ipi akeu kiquye naghuto tsuni khipaqo shou Rommi phughi puthu puakeu (**Piyekusu 17:9, 10**). Ningu kiphi hipau loghi tughashi akutsu tsuni pu eno tipaqo shou akibo chighi shopu akeu ghili a-a kuthu momu ghuthu kuthu pipuakeu ithulu ani (**Piyekusu 12:3; 13:1; 17:3**). Akibo kiqu ye yehpeka (government) momu shiyehqo kiqu, panongu kuka pesu Alhou timiqo shikighimekeu kiqu. Akumla hipau ye Pagan Rommi (Alhou kumthami Rommi) kuka ghuloki lono huthu (**Piyekusu 12:3, 4**). Akibo chighiqo ye Rommi kukaqha hepho ipeghivekemi alagha chighiqo. Hipaqono pope yehkipe saphu ithughi (**Danel 7:23, 24**). Alagha chighi hipaqoye athiuye itodolo Europe lo ghakhuqo shi ani. Ashekha ghuloki lo ashiayeh hipaqo kumtsu kuqhano ashekha kukupuna lo iloghinani (**Piyekusu 16:14; 17:12, 13; eno 16**) Panongu kumtsu no Babylon akijee saphu eno kuphu

puzu Alhou timiqo sasú ashekhaú kupuna nani. “Kungugha lo ayepu saje akuthuu” ipi akeuye kungumi Lucifer ghólo kuqhano hekibide kumla shikemiyo pa gholono haphevekemiyo pi ani (Piyekusu 12:9; Luk 10:18; Isaya 14:12).

Pekughukho puatsukeu itaghi phukidejuni:

Ithei kutolo tungkupu tsa no Baibel wu tuqhou hipaço pephe vetsüa:

1. Alhou wu kuchou kukuhou pesu tsughukhuikeu totimi lakhi kimighitsu.
2. Jisu ye akukuhou lo punu
3. Tile Satan no pagan Rommi lo akukau Herod vecheono Jisu ghiqhavenike phuju
4. Satan ye pa kupughu shikupumlave
5. Jisu ye sasú kungugha lo ikuve.



6


Satan no Jisu kutsamlaveke thiú paye kiu shikea?

“Pano totimi khuuno anu hu punukeno tipau hathuve” (Piyekusu 12:13).

Khokichile: Satan ye luthu shi Jisu shou kiumo shimlavekeu lono pa ghakighide kije lono Alhou timiqo shikighime thuve

Hile kimichiphetsukeu alaghi 6 ani.

Piyekusu akiyehdo 12, eno 14 lono ashekha do ghulokilo kukuhou ghili alaghi momu akiqi 6 kiche piyesutsu ani. Hi aqhou kiphi lono tipaço ghili philunani.



Satan no shikighime keu lono Alhou timi asale asale kutomo pesu asu lo phedano pitiqhivetsu.

7

Piyekusu 12:6, 14 lo totimi (akukuhou) ye kishi li kutoshi susholuve, eno aghasaqha ipi akeuye kiukea?

Khokichile: Hile pi akeuno “aghasaqha lo pove” ipi, eno tileno “ado lakhi eno adoço, eno ado tuxa momu (ampe 1,260) Satan ghakighide launo li susho ipi. Satan no pope yehkipe vechewono li shikighimekeu launo susholu. “Achishibo kini” pukeu kiqui ye shikighimeke ghulokilo akukuhou no aghasaqha lo akelo ghulokilo Alhou no sushotsu eno kuphutsukeu kiqui (Ipekulu 19:4; Zahkiniu 32:11). Akukuhou ye pope yehkipe lono shikighimekeu do ampe 1,260 AD, 538-1798 kutolo aghasaqha lo ngove. Hipau ghili Baibel lono anguno anguno piidetsu ani. Tungkuputsa lo atsala lakhi ye ampe lakhi sasú aqhemike (Ezekiel 4:6) ipikeu kumsululo.

Hile "aghasaqa" ipi akeuye yenguike-a, aghasaqa lo asuki atuki lo, asubo eno atuquqo ijepe ngochekeu pi ani. Heqhi buqhi eno shikighimekeu launo posu wo hitoi aghasaqa lo ithsuluke pi ani (**lbrimi 11:37, 38**). Panongu-Waldenses, Albigenes, Huguenots eno Alhou timi Pa kukuhou kutamiqo kutomo shikighimekeu lono posu wo aghasaqa lo ithsuluke pi ani. Pope yehkiye (papacy) wu lono pojolukmiqoke. AD. 1540-1580 ampe 40 dolo Jesuit zahkutsu qholono Alhou timi qhethonhe aqhe toku ghiqhivetsu. Ampe 30 dolono Inquisition ipikeu qholono Alhou timi qhethonhe aqheni Ihopungu kuxu chuvetsu.¹ Hi ampe 1,260 dolono panongu kupulu ghengulono Alhou timi million Ihopungu shou kutsavetsu, Hipau ghuloki lo Alhou kukuhou ye panokutoshi pano hiyam tsa shi akukuhou aqoaho shikeu pephemlave. AD. 538 lono wo AD. 1798 kutolo Alhou kukuhou ye aqoaho shimlano aghasaqa lo Alhou sukusho qholo aqhe. AD. 538 lono aghasaqa lo ilo Alhou sukusho qholo ngochekele panongu ye Apostle (Khristo Khopemiqo no Khristo kukuhou puthutsukeu kukutsu pulu eno papeche).



Baibel tungkuputsa lo atsala lakhi ye ampe lakhi sasū aqhemike ipi puakeu toi, Piyekusu 12:6 lo atsala 1,260 ye pope kuka do ampe 1,260 achipi lo shikupuve.

Ado kishekhavenike ghulokilo Khristo kukuhou ghili atighishi akiqi kini ye ninguno phupheluuea:

1. Akukuhou hipau ye AD. 538-1798 kutolo hiyam tsa shieno pekipheshi aqoaho shimlano ighi.
2. Kughou ashekha do kihitha puaketsukeu do hu AD. 1798 lono ashekha shivekeno tipau thiuye akukuhou hipau ye aqha kumtsu lo pekipheshi puthu wove.



Kumsa-kimishipushi shikighimekeu ghenguno timi kutomo United States lo pove.

1798 zuu kukuhou lo amikucho lono pulu chekemi akukuhou kumtsu lo kutomo aqhe. Tishi aghie pinamu akukuhou tipaqo ye Ado kikishekha (end time) kukuhou shimlakepu shive, kughengu ado kishekha kukuhou ye AD. 1798 thiuno hiyam tsa shi aqoaho shieno puthulukeye kukuhou pesu Jisu no Pa kukuhou ipi ku ke ghenguno.

8

Piyekusu 12:17 lo, Alhou no ado kishekha ghulokilo Pa kukuhou pesu achili (remnant) KJV. Ipi ku, eno tipau kiquye kiu kuea?

Khokichile: Hipau kiquye achili atachu shivekeu. Hipau pesu ado aghuloki kishekhalau Jisu kukuhou kimighitsu ani. Akukuhou hipau ye Kuchoyehsu pesu aboqha shipuani. Eno tipauye Akhopemi-Apostles qono Khristo kukuhou puthutsukeu ke.

Aphi goz kijemino aphi goz je je ashekha lo atachu kitila qhivekeu pesu achili (remnant) ipi cheni.



9

Piyekusu 12:17 lo, ado aghuloki kishekha lau Jisu no Pa kukuhou akiqi kini lono hepho piyetsutsu ipi ke tiye kiukea?

Khokichile: Akukuhou hipauye Alhou zahkutsu chighi pape cheghinani. Ahzakutsu chighiqo gholo ahzakutsu abidiu lo apineh dolo atsala akutsununi Sabbath pinyi cheghinani (**Johan 14:15; Piyekusu 22:14**). Akukuhou hipauye Jisu shepe, khikhi tungkuputsa pitsukeu ghungu ghi pecheghinani (**Piyekusu 19:10**). (Akiphi kichekutsu 24 lo ghi ithulunani)

Ado aghuloki kishekha lo Pa kukuhou ghili Jisu no akiqi kini lono kimichitsu ani:

3. Akukuhou hipauye Alhou zahkutsu pape cheghi nani tipau gholo ahzakutsu abidiu akutsununi Sabbath pinyi cheghi nani
4. Akukuhou hipauye tungkuputsa pitsukeu ghungu (**Spirit of Prophecy**) pecheghi nani.

Hi kumsululo tile akukuhou kutomo lo aghokolumi Khrostomi kutomo aniputsake, ikemu panongu ye Sabbath pinyi cheghimo nani eno tungkuputsa pitsukeu ghungu (**Spirit of Prophecy**) ghi pecheghimoke ghenguno akukuhou tipaqo ye ado aghuloki kishekha lau Alhou w achili kukuhou ke ipimla nani, kughengu pivekeu toi Alhou wu achili kukuhou ye akutsununi Sabbath pinyi cheghi nani eno tungkuputsa pitsukeu ghungu pecheghinani-pulucheghinanike ghenguno.



10

Piyekusu kaku lo Alhou wu achili kukuhou kimichitsu akeu akiqi kini ye kiukea?

Khokichile: Akiqi tsugho gholo ashekhou kuma ye:

5. Hipa yeghiqha lo **Missionary** kukuhou lakhi (**Piyekusu 14:6**)
6. Hipau lono **Piyekusu 14:6-14** lo kungumi 3 tsape pesu ayeghiqha kuchopu lo pikulhatsu ani. Hipau ghili hi aqhouno ikholhoikeu lono kichetsu ani:
- A. Alhou ye ishi timiqo shou atsa kugha ani. Alhou mlla lo ipi ado aghuloki kishekha lo kukuhou no ayeghiqha lau kutughutsu ani, kughengu Pa tsa kukugha do hu ighiveake. Atsakukugha hipau ye AD. 1844 nguno huthuveake. (hipau ghili akiphi kichekutsu 18 eno 19 lo nono philuve aghinani) Atsape hiupau lono timiqo vilo, "kungughaqo eno ayeghi, azughi eno azupuki lhosukeu Lhou mlla lo pi kutughutsu ani (**Piyekusu 14:7**). Alhou (Creator) ye Aghau (God) ke ipi kishi Pa mlla nikea? Alhou no ahzakutsu abidiu lono khochiletsu ani. Sabbath tsala akimitheshi pinyi nikeu kumsulu chelo ... kughengu Ampeu no atsala tsugho lono kungughaqo eno ayeghi eno tipau lo thime akeqo kumtsu lhosulu eno akutsununi ye akulho qhike. Ampeu no Sabbath kumughatsu eno tipau shikimithetsu ke (**Ipekulu 20:8-11**) Titoi kungumi atighiu tsape lono ahza tsu akeuno akutsununi Sabbath tsala lono Alhou mlla lo, kughengu hipau no Alhou no thime thokha lhosutsukeu vesulho tsala lakhi ke ipi ahza tsu ani.



Alhou w achili
kukuhou ye
Kungumi 3 tsape pesu
ayeghiqha kuchopu lo
Pikulhatsu mayesa.

- B. Pa wu timiqo vilo ikiqiv ekeu kukuhou Babylon launo ipeghivelopi ku ani.
- C. Tughashi mlla kevi, momu pa michipu ikhilukevilo, kughengu tipau ye Sunday akimitheshi pinyi akeu michipuke. Kichileu eno pishikiqi launo kutokupui alo!

Itehiye ninguno Jisu no akiqi tsugho lono Pa kukuhou achili ghili kimichitsu keu phukidejuni:

1. Akukuhou hipauye AD.538-1798 kutolo hiyam tsa shi aqoaho shi ighimlave
2. Akukuhou hipau ye AD.1798 thiuno huthu ipeghikeuke
3. Akukuhou hipauye Alhou zahkutsu akutsunini Sabbath pinyi keu sukuqha no ahzakutsu chighi pape cheghinani
4. Akukuhou hipauye tungkuputsa pitsukeu ghungu pecheghi nani
5. Akukuhou hipauye ayeghiqha kuchopu lo Missionary kukuhou lakhi shi cheghi ani
6. Akukuhou hipauno **Piyekusu 14:6-14** lo kungumi 3 tsape pesu ayeghiqha kuchopulo pikulha cheghinani.

11

Ado-aghuloki kikishekha lo Pa kukuhou kimichitsu keu ghili ninguno philuvea. Itehiye Jisu ye ningu vilo kiu shilopi ani eno tipau visavili ye kiu shinaniepi kea?



Khokichile: "Phulo eno nono ti phulunani"

(Mathi 7:7). Jisu no hipau ghili akiqi 6 lono pitsu ani, eno ovi lo "wulo, I kukuhou phululo" ipi ani.

Pano piqi puakeuno, khiuno kungugha thimeqo phujunikeno pano tipau phulunani.

12

Hi akiqi 6 tsupuakeulo akukuhou khijehino tipau sasu kithikulupu shi anikea?

Khokichile: Jisu no kichepiyesu puakeu kiqi lo akukuhou lakhi likhino kithikulupushi ani. Hile Jisu no aqo lono pitsu akeuno "Tilehi I kukuhou lo akivimi kutomo ani" eno "tilehi kuhakughamiqo ghi kutomo ani" Akiqi hikuma lo akukuhou khijehino ilo kithikulupushi anikea? Tilehi chuqukusho kije ki lo eno downtown Civil Club lo ighi akemiqo ghi hi akiqi kini lo ilo kithikulupushi ani. Panongu ye thime thokha lo ilo kithikulupushi ani. Ikemu kuchou lono pinikeuye tiye kuchou kumovea. Jisu no akiqi akhoto lakhi kichetsu akeuye panongu ye akukuhou lakhi eno lakhi lo likhi ilo kithilumayesaKepu ani, eno tiye Sabbath pinyi chekeu Seventh day Adventist kukuhou ke. Ninguno itaghi hipau ghili akiniu phukidejuni:



Seventh day Adventist kukuhou ye

1. Khristo kukuhou hukuthu lono aighiveakemu shishe shikighimevekeu lono AD. 538- 1798 doloye pekipheshi aqoaho shimlave.
2. Ikemu 1798 thiu AD. 1840 ghulokilo ye pekipheshi ipeghive.
3. Akutsunini Sabbath pinyi keu zahkutsu sukuqha puzu Alhou zahkutsu 10 pape acheni.
4. Tungkuputsa pitsukeu ghungu pe acheni
5. Ayeghiqha lo Missionary kukuhou shi acheni, ishi ayeghiqha lo aghakhu (country) kumtsu lo ilo mla ani.
6. Jisu no kutsukeu tsape akiqi kuthu lono ayeghiqha lo pikulhatsu ani **(Piyekusu 14:6-14).**

Jisu no akiqi 6 tsuqe qo okutoshi phijulo, hiye mlalei anike, khilemu vezu kevalo.

Hi ithilo: tilehi akukuhouqo lo Khristomi akivimi kutomo ani, ikemu panongu ye akiqi kichetsu akeu hipa qo vezuve anike ipikeu kumsululo. Akiqi 6 kichetsu akeu hipau lo iloghimokeloye panonguye kughoumu khilemu ado-aghuloki kikishekha lo achili kukuhou, khile Jisu kimiye chekemiqono kuho chekeu gholo iloghilumo nanike ti kumsululo.



13

Piyekusu 18:2, 4 lo Jisu no Pa nuliqo vilo Babylon qhiveno ipeghivelo kutughutsu akeu lo khiuana tipau sutsa chiluno ipeghive aye paye kiu shinani kea?

"Ningu ye aphimpi lakhi lo ku supuani" (Kolosiame 3:15). "Jisu no aphimpi-akukuhou kutsuke" (Kolosiame 1:18).

Khokichile: Baibel no pi akeuno, Alhou timiqo ye aphimpi lakhi lo ku supuani. Jisu no Babylon lo akemiqo vilo ipeghiveno achili (remnant) kukuhou khile Jisu no akutsu shi akeu lo kuqhaluvelopi ku ani. "I w bheri amuqo hipau lo kuhakemi kutomo ashou chephi" ipi Jisu no pi **(Johan 10:16)**. Pano puloshoqhi aqau lo Isaya vilo pikeu toi **(Isaya 58:1)**, Pano timi tipa qo pesu "I w timiqo" ipi. Puloshoqhi akitheu **Piyekusu 18:4** lo ghi titoi pi ani. Ishi Pa wu bheri loji akukuhou launo ashou akemiqo ghenguno ghi Pano pikeuno, "Niye timi tipa qo ghi sasu ighiveni, panongu

ye l tsa chilunani; eno tile aloji lakhi likhi shivenani, eno akheu ghi lakhi likhi shivenani. "Bheri kumtsuno l tsa chilunani eno l pape ighivenani" (Johan 10:16, 27).



14

Timi lakhi ye kishieno aphimpi-akukuhou tipau lo iloghilunanikea?

"Aghungu lakhi no ningu kumtsu pesu aphimipi lakhi lo azuloputsu (baptiz) shisuvetsu ake, Judahmi shi aghilo, judahmikumokemi shi aghilo" (1 Korinthiami 12:13).

Khokichile: Nongu kumtsu azuloputsuveku (baptiz) lono Jisu w ado-ashekhau achili kukuhou lo iloghiluveake. (Akiphi kichekutsu 9 loghi philuve)

15

Jisu no Pa w timiqo ipi kuchekeuye achili kukuhou (remnant church) lo likhi ani ipi Baibel no kimichitsukeye anikeshea?

Khokichile: Iye. Tishike. Ninguno hipau ghili phukidejuni

- A. Baibel no pi akeuno tile kuchou phimpi-akukuhou lakhi likhi ani (Efesiami 4:4; Kolosiami 1:18).
- B. Baibel no pi akeuno Ishi ningu tsala ye Noah tsala lo toi ani (Luk 17:26, 27) Noah tsala lo azukucho launo ijoipelukepu laghi khijehi akea? Lakhi likhi ake, tiye ashuka. Ampeu no ishi ghi ningu ghenguno ashuka lakhi likhi kutopuatsun ani. Ashuka tipau lono Alhou timiqo xapusu ayeghi lo asekhau kukupuna ipeghiniye kuto akeu vechelu penike kutopuatsu anike, ashuka tipau vezuvekevilo.

16

Alhou w achili kukuhou ghenguno tile kiutoikeu sutsa kivi anikea?

Khokichile:

- A. Hipau lo akimiji atsughi eno akhotoshi akeuye "Ihokta tsakiviu"- tipauye Jisu shou pulukibe lo likhino timi lakhi ye amikucho shilunani (Piyekusu 14:6).
- B. Hipau ye atuyitu Jisu shou shipuku puani (1 Korinthiami 3:11; 10:4). Eno akumoki khaghoqo (gates of Hades) ye tipau theqhilumonani (Mathi 16:18).
- C. Jisu no Pa kukuhou ghenguno aghashivetsu (Efesiami 5:25)
- D. Jisu no Pa wu achili kukuhou ghili hepho piyetsutsukeye ye mlalei michiluve nani. Pano ikiqiveku kukuhou ghili hepho piyetsutsu, eno Pa wu timiqo vilo tipau qhiveno ipeghivelo ku ani. Satan no amuqo ajeli kutomo iqiphe puzu hi ku akeu sutsa launo timiqo mulo kughubovetsu, timiqo kini kiyikaluvetsu, eno timiqo nhethi kighichevetsu puzu Pa kuku sutsa chilupe move, ithipemove eno vephuvezuve achenipeke.
- E. Hipau ghili lo kiu kutsupiye puanikeno tikumtsu kuchouke (1 Timothi 3:15).




17

Alhou wu achili timiqo ghenguno kiutoi asutsa kivikea?

Khokichile: Panongu ye:

- A. Pa w kungugha kukaqha lo xaluvekemiqo shi achenani (**Piyekusu 15:2**).
- B. Panongu ye Jisu kuka eno Pa jih pesu Satan theqhilukemiqoke (**Piyekusu 12:10, 11**).
- C. Panongu ye kutuu kulumiqoke (**Piyekusu 14:12**).
- D. Panongu ye Jisu kupulumiqoke (**Piyekusu 14:12**).
- E. Panongu ye ililaikeu jukuvu lo iloluni kemiqoke (**Johan 8:31, 32**).



18

Ayeghi do aghuloki ye munu auvea. Piyekusu 14:6-14 lo pi akeuno kungumi 3 tsape ashekha shivekemtsa Jisu ye akiniu ide ighiniepi ani. Tishiaye Jisu ye ishi kiutoikeu sutsa pesu Pa wu timiqo kutughutsu anikea?

“Ashuka lo iloghivelo, no eno okibolomiqo” (Bothubo 7:1).

Khokichile: Noah tsala lo Noah sukuqhano pano tache likhino Alhou no kukeu sutsa ikhilu. Jisu ye Pano ado ashekhaui kihithapuakeu do tomphe lono Pa wu timiqo xalunike ghenguno ashuka hukikha lo ngokhe ani.

Hi ithilo: akiphi kichetsu akeu lo kungumi 3 ghili **Piyekusu 14:6-14** phikeu hipauno akutacheu shi ani. Akiphi kichetsukeu ashekhaui phikelono tungkuputsa ghokutsu ghili kuputsani.



19

Jisu no ado-aghuloki kishékha (end-time) lo Pa w achili kukuhou lo iloghivelo oku akeulo noye tile iloghinike pulo anima?

Nono khochilenikeu:

Nono Inju Keu Khochiletsu Ani

1. China lo timi lloxuno ayeghiqha lloxu saje bidi lo saje lakhi ani, atsakiviu hipau pesu panongu kumtsu lau kutsukuthuni keloye ado kushuwa luvenanikeshea?

Khokichile: Timi ghengu ye tokumlapu, ikemu Alhou lau tokulupu ani; kughengu "Alhou gizu loye thokha kumtsu lo tokulupu anike" (**Mark 10:27**) Baibel lo piakeuno, "Ampeu no akumla kumtsu shikhavenani, eno ado hu amikucho lono kughukhovenani, kughengu Ampeu no ayeghi lo kumla kughukhovenani (**Rommi 9:28**). Ampeu no Jona akuka tsupuzu atsala 40 dolono Nineveh phughi qhoi amulo pebidevepe (**Jona 3**) Titoi Ampeu no hi ashekha tsalaqo loghi Pa kumla pai shiqhivenani (**Amus 9:13**). Alhou no hipau piqhi puani- eno hipauye itheno shikupuve nani.

2. Jisu no ide ighikelo Khristomi kutomo puhavenikeu kumsapu lo anike shea?

Khokichile: Iye. Jisu no akiqi hipau ghili mutsumishei pipuani. Khristomi qo imeve eno kutsavenikeu ghili Pano akiqi hami pipuatsu ani:

- 1) Chiloveku, kubahiloveku (surfeiting) KJV.
- 2) Shokumuzu
- 3) hipau kuxu ghenguno kutakihi mlakeu eno
- 4) eno akuzu (sleeping) lono (**Luk 21:34; Mark 13:34-36**).

A. Chilove, kubahiloveku- akumla chilo shiveku, chilo chuveku, kaku chilo phiveku, eno alomo lokutuveku, hipaqono akukumusu akimighi (balance) achipi lo ngomlaveku lono akuxu hipau shikupusa lo ilove cheni. Atighishi Jisu sasu kilekithi shilunikeu laghi paghi phululo.

B. Chukumuzu-shokumuzu: Kiu kiumu chiloveku, akumla shi aghiepimu chilo mlaveku huno angaghaive puzu kungugha thime ye michejumove cheni. Kichekipiye hipau lo kujomokeu julho shisu eno akiyeh loghi yehpe kulha keu sukuqha ani. Kipiti-toti lhoayeh lo ayezha kuhaveku, alhokusami sasu kusapami shikeu, Baibel kipihi kughuchoveku, akighini shimokeu kuxu, eno akukuho lo khoumomeku, hitoikeu kuxu huno timiqo sasu pano kuxu ye kiu lomu ilomlaveku shive, eno puhave acheni.

C. Hipau kuxu ghenguno kutakihi mlakeu: Jisu ghenguno ado puwomove, akighini shimove, Alhou tsa phujumove, akukuho lo wumoveno akumla shi auveku lono ahakusa kuxu lo ilove cheni. Hitoikeu kuxu xukeu lono ni kuxu lo akimiji kiumu kuhaveno akuxu ashekha shive cheni.

D. Akuzu (sleeping): Aghungu kumla lo ida ithughimlaveku, ishi (tiqhelimi) nachumiyo no kushokutsu sholu akeye hipau lonoke. Ashi lo timi lakhino zuuve aye paye zu anike ipikeu ghili mthave cheni. Pano aghungu lo kuxupu ghenguno Jisu sasu kuthsukimemove, kuposhumoveke, paye mithe ani ipi anikemu tipau kuka ghili ye mthave cheni. Tishikeu lono Jisu ghenguno mlanikeu lo amlo kutsumi shitsami shimlave cheni. Akuzu (sleeping) hipau no timi lakhi pelo ashilo kuxu lo akusami phamlavepe cheni eno aghungu kuxu vezuve cheni.

3. Niye Alhou wu achili kukuhou lo iloghivea, ikemu l lolo alokivi kuha, tishimu niye tughami adokivi tsuve chemo tiye kiu ghenguno kea?

Khokichile: Kughengu Satan no Alhou timi akuxu achili shi akemiyo shou agha ide ani, eno pa do kumtsu pesu panongu ghuzave eno panongu mulo shikulotive tsunike ghenguno pukaputsa mla ani (**Piyekusu 12:17**) Pa wu timiqo ye Satan no ghuju pejunikeu, ahakusapu panongu shou suighinikeu eno panongu kutsavenikeu ghili Jisu no pipuani. Ado kumtsu lo panongu ye Satan no pesu shikhighimenani, ghuzavenani eno kutsavenike



pukaputsaju acheni (2 Timothy 3:12). Tishi aghiepinamu Jisu no panongu ghenguno ajukuvu kije piqhi puatsu ani:

- 1) Panongu pelo tokulu shilupenani (1 Korinthiami 15:57).
- 2) Panongu shilukeusa pulukusa kiu sholunikeno tikumtsu lo Pano panongu gholo achenani (Mathi 28:20)
- 3) Panongu lokughunotsu nani (Johan 16:33; Leshele 119:165).
- 4) Khilemu panongu likhi qhivemonani (Ibrimi 13:5). Ashekha loye Pano Pa nuliqo susholuve nani, tile khiunomu Pa wu lono panongu ikhisuulumonani (Johan 10:28, 29).

4. Akukhou ipi akeu tsa kiji ye kiu kea?

Khokichile: Akukhou ipi akeu tsa kijiye Greek tsa lo “ekkleisia” ipi, tipau kijiye “kupheluvekemi lakhi” ipi. Hipau ye Jisu no ayeghiqha launo eno ikiqivekeu Babylon launo Pa wu timi akughupuqo kupheluveno xakulu pesu panongu tsunikeu. Jisu no panongu kuphelu puzu panongu pelo azuloputsu (baptiz) shiluvepe, eno panongu pelo ado-kishekha lo Pa wu achili kukuhou lo kihisuluvepe. Jisu no pi, “I wu bheriqo ye I sutsa chilunani eno panongu ye I papesu ighivenani (Johan 10:27).

Hilehi okukumsu eno injuakeu pitsulou



15



16



17



18



19



20



21



22



23



24



25



26



27

Akiphi kichekutsu hipau ghi akiphi 27 gholo lakhike.

Akiphi kumtsu lo akumzapu kuchouqo no chhitoi ani, hipauno no eno no kibolomiqo kuxu pekilivetsukulupu anike. Akiphi lakhimu vezuve kevalo.

- Akiphi kichekutsu 15:** Khiuno Khristo ghumikea?
- Akiphi kichekutsu 16:** Aqha lono kungumi tsapeqo
- Akiphi kichekutsu 17:** Alhou no akupughuqo shi
- Akiphi kichekutsu 18:** Ado achipi lono! Tungkupu sukusu piyetsu
- Akiphi kichekutsu 19:** Ashekhau kughathabenikeu
- Akiphi kichekutsu 20:** Tughashi michipu
- Akiphi kichekutsu 21:** Baibel Tungkuputsa lo USA
- Akiphi kichekutsu 22:** "Totimi" kutau lakhi
- Akiphi kichekutsu 23:** Khristo nipu-kulaliu
- Akiphi kichekutsu 24:** Alhou ye ayepukighithimi eno akuka kutau pe akemiqo lau muzusutsu keshea?
- Akiphi kichekutsu 25:** Ningu ye Alhou shou pukhu anima?
- Akiphi kichekutsu 26:** Kikimiye huno pekilivetsu
- Akiphi kichekutsu 27:** Ide ighima

Noye niu Akiphi Kichekutsu-u 14 ithuluvama? Ithulu mono aghi aye, akiyeh tsülo:
Amazing Facts India, Post Box No 51, Banjara Hills, Hyderabad-500034

Kimiyepu Summary Sheet hipau kishekha mphu zuwuno akiphi phijulou. Khokichile kumtsu akiphi kichekutsu lono ithulunani. Chejuno achipiu khokichile lo sutsulo. **Akikihi parentheses lo piyepuakeu (1) no khokichile achipiu ke.**

Form tipau pichivenikeu ghenguno kimiye pu “Adobe Reader” peithalo.

1) Tungkuputsa lo Jisu no Pa kukuhou kouchou kiqitsu akeye Kiu kea? (1)

Akukuho ki kutsuqa qhemughhai shipukukeu
Tsughukhuikeu totimi lakhi toikeu
Tughashi lakhi toikeu
Khungkusu kuzukutho lakhi toikeu
Vuqaikeu kungumi lakhi toikeu

2) Akukuhou no posu ilo ithsuvekeu “aghasaqha”ipi akeye kiukea? (1)

Yenguikeu a, aghasa lo asuki atukiqolo ithsukeu piani
Sahara sayeliqha pi ani
Irag pi ani
Gobi sayeliqha pi ani

3) Thime hi aqhou tsupuakeqo ye kungumi 3 tsapeqo gholo lakhike (3)

Babylo ye ikiqiveake li qhiveno ipeghivelo
Amiyizu ye lhokta piti achenani
Alhou tsakukugha ye itehi kugha ani, Pa wu Sabbath akimitheshi pinyi keu lono Paye Alhou ke ipi Pa sumsa ani, akishe tsu ani, eno Pa mlla anike, kughengu Sabbath no Pa michipu lakhi ke ghenguno.
Pusaqo ye ashekha shivea
Kumtsu xaluvea
Tughashi mlla kevi eno pa michipu ikhiliukevilo.

4) Jisu no Pa w achili kukuhou kimichitsu keu akiqi tgsugho ningu lau kichetsu ani. Akukuhou tipau lo (6)

Khristomi akivimi kutomo ani
Sabbath zahkutsu sukuqhano ahzakutsu chighi pape acheni
Tile kuhakughami hami ani
Alokivishi Khristomi le kijeje phe acheni
Kumzapushi akighini shi acheni
AD. 538- 1798 kutolo hiyam tsa shi aqoaho kughuphe mlave
Tungkuputsa pitsukeu ghungu pe cheni

Amili jeli lono picheni

Ayeghiqha Missionary kukuhou shi acheni
Tighenguno atsa hipau ghi pope yehkipe lo iloluani.

1798 thiuno ipeghieno mla ighi ani
Piyekusu 14:6-14 lo kungumi kuthu tsape pesu ayeghiqha lau pikulhatsu acheni

5) Akukuhou ye aghasaqha lo ado khitohi ngoveka? (1)

Ampe 5 ngove
Ampe 1,000 ngove
Ampe 680 ngove.
Ampe 1,260 ngove
Ampe 33 ngove

6) Shikimthi kiyethi (alphabet) bokutha atughiu lo amichi zuu atsa lothi sulo, bokutha akiniu lo tipau kiqi ani (kichekipiye julo): (6)

KichekiPiyekusu

Akiqi kuchou

- | | |
|---|------------------------------------|
| A. Ayepu 12 akeu
Kutsukuqho ye | A Ashekhau qhivikeu
muqo |
| B. Totimi pukhu
Qho lo aqhi akeu ye | Akhopemi 12 qo ke
akukuhou |
| C. Huchuikeu dragon
Akijeu ye | puloshoghi aqau lo
ghiqhipe |
| D. Achili ye | Satan no pagan Rommi |
| E. Totimi ye | vechewono akumla |
| F. Khetsunhe ye | shichekeu |
| G. Totimi no Anga
punuqhi kemtsa ye | Jisu eno Pa mikucho |

7) Jisu ye ayeghiqha launo eno Babylon launo Pa wu timiqo kusasu ipe Pa wu achili kukuhou lo qhiluvekeshea? (1)

lye Moe

8) Timi lakhi ye kishieno achili kukuhou lo ilo kuqhalu nanikea? (1)

Akukutsuu sasuu awu kukusukeu lono
Kihimpi shiluvekeu kaku lo jehmichi shiluvekeu lono

Azuloputsukeu (baptiz) shiluvekeu lono
Ghuka kutomo qhasutsukeu lono

9) **Akukuhou kumtsu lo tilehi Khristomi
kivimi kutomo ani, eno hami ye akukuho
lakhi lomu kihimpi shimokemi ani (1)**
Iye Moe

10) **Hile thime tsupuakeqo lo kiu lono
Khristomiqo pelo ikiqivepe eno puhave
chenipekea? (4)**

Chilove, kubahilove keu lono
Hipau kuxu ghengu likhi tucho auvekeu lono
Achine lo ighono amulo tsushevekeu lono
Aghungu lo shomuzuivekeu lono
Aghungu lo zuuvekeu lono
Akupulu lono thopi tsukeu lono
Kiyephi phikeu lono

11) **Atsakiuvi paikhavi timiqo tsuvekeu lono
Alhou ye ayeghi lo Pa kumla kughukhove
nani (1)**
Iye Moe

12) **Alhou ye Pa wu timiqo lau thime kiu kiu
tushoqhi puanikea? (4)**

Alokughuno
Panongu ye akupuna sholumo nani
Theqhkikulu shilunani
Panongu ye khilemu kusukini shimonani
Khiunomu l wu lono panongu suxa
suulumonani
Paye khilemu panongu qhivemo nani
Panonguye kinimi shinani

13) **Akukuhou ipi akeu kuchou kiiqye kiukea? (1)**

Akumlla a achipilo kutope qhivekeu
Akupulumiqo muqo –aqoaho
Lakhi kuphelukeu
Akukuhoki kuloghi lakhi

14) **Ni ghi Alhou wu ado-kishekha lo achili
kukuhou lo kihimpi lakhi shilunenishi ani**
Iye Moe

Kungu inju puakeqo achipilo khochile tsulo!



Tilehi kihisuvani kehenguno oje, email eno thepiu kikihi sulou.

Owu akiphi kichekutsu KUMUSA no ithuluni kehenguno "Sulou" lo inalo.

Oje :	<input type="text"/>			
Owu Email :	<input type="text"/>			
Thepiu kikihi :	<input type="text"/>			
Okungo-a :	<input type="text"/>			
Aphugui, District :	State :	Aghaqhu :	<input type="text"/>	
Pin :	Apunu mpe amqo:	Gender :	<input type="text"/>	

Anile shi no kusutsa nikeu tipau tsulou